



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1709. usque ad annum 1714

Fleury, Claude

August. Vind. [u.a.], 1782

VD18 90119266

§. 26. Clementis XI. Pontificis Constitutiones, & epistolæ ad diversos.

[urn:nbn:de:hbz:466:1-67615](https://nbn-resolving.de/urn:nbn:de:hbz:466:1-67615)

borarent: ipsum vero Regem rogabat, Sæc. XVIII.
 quatenus nulli parceret labori, ut a A.C. 1709.
 Moscovia Duce obtineret diploma ab
 ejus Legato Pontifici promissum, vi
 cuius liberum in illius Imperio unicui-
 que esset, Catholicam religionem am-
 pleti, ac prositeri. Idem quoque ne-
 gotium commendabat Pontifex Gnes-
 nensi Archiepiscopo, Episcopo Ulati-
 laviensi, & Joanni Szembeck Pro Can-
 cellario Regni Poloniæ.

§. XXVI.

Clementis XI. Pontificis Constitutio- nes & Epistolæ.

Cum Clemens XI. summus Pontifex *Epistolæ*
 omnes etiam profanas regnorum *Clem. XI.*
 caussas & dissidia sui muneric, follicitu- *pag. 532.*
Vid. Jupræ
 dinis & fori esse censeret, singulis an- *I. 213. f. 354.*
 nis ad remotissimas etiam regiones li- *tom. 67.*
 teras dedit, & quidem primo ad Per-
 sarum Regem die secunda Martii per-
 scripsit, quod ab Israel Ory deceptus,
 eundem Regi enixe commendasset, spe
 concepta, eum Catholicorum rebus
 omni studio, eaque fide, qua se se ob-
 strinxerat, afuturum, nunc vero ipsum
 fidei Catholicæ desertores totis viribus
 adjuvare, & Catholicos opprimere
 comperiisset, quocirca Regem certio-
 rem reddidit, quod perfidus iste homo

H 3

nulla

Sæc. XVIII. nulla fide, neque Regis auspiciis aut
A. C. 1709. ulla honoris significatione dignus, potius Regia auctoritate deterrendus esse ab inquis attentatis contra Catholicos. Præterea Pontifex Joannem Baptistam Tarsensem Archiepiscopum Sedis Apostolicæ Nuntium ad quasdam Diæceses Rhenanas tanquam Visitatorem designavit, postquam vero hic varia decreta edidit, Leodiensis Episcopi Vicarius ea observari, atque ad effectum deduci publice inhibuit, quo compertus Visitator Apostolicus Vicarii decretum omnino nullum esse declaravit, eundemque interminata poena Ecclesiastica comparere, ac satisfacere jussit eo autem hisce mandatis obluctante Vicarius eundem a Divinis suspendit, hanc vero Visitatoris sententiam omni Jure & æquitate nixam esse, Pontifex die decima tertia Aprilis Leodiensis Ecclesiæ Capitulo Cathedrali significabat. Cum autem Pontifici nuntiatum esset, quod nonnulli Poloniæ Præsules Aulæ negotiis, & tum furentibus ibi dissensionum & bellorum procellis immiscuissent, ac propterea a suis Diæcessibus & grege diutius absuissent, hinc die vigesima quinta Maij, ne oves ipsis creditas, quarum Sanguis de eorum manibus a supremo Judice requirendus esset, pro libitu desererent, hortatus

tus eisdem exposuit, quod Episcopo- Sæc. XVIII.
rum absentia sit certa nimis Populorum ca- A.C. 1709.
lamitas propter insidias & pericula, quæ
in perniciem spiritualis salutis, & in de-
trimentum pacis & tranquillitatis, Custode
procul agente, Ovili parari solent atque
inferri: nec se ea excusatione tueri cre-
dant, quod Lupus oves, ipso Pastore in-
scio & absente, abductas interemerit, cum
conflet, nullum prope malum ac scandalum
in Diœcesi derelicta contingere, quod non
sit ei præcipue adscribendum, cuius erat
subditos a recta semita deflecentes revocare
monitis, allicere præsentia, voce confirmare,
auditoritate, & charitate continere, ac de-
mum in verbis suis monstra placare: Ea ex
causa Culensem quoque Episcopum
vehementer redarguit, eoquod propter
ejus absentiam quidam Lutherani, ne-
mine prohibente, Templa pro eorum
usu erigere ausi essent. Quoniam vero
nondum composita esset controversia
inter Pontificem & Josephum Impera-
torem primitus inde exorta, quod hic
literis die decima nona Junii anno hujus
sæculi quinto datis Ferdinando Raesfeld
Ecclesiæ Mindensis Canonico preces
primarias ad obtinendum in Cathedralis *Vid. supra*
l. 213. §. 116.
Ecclesiæ Hildesiensis Capitulo locum pag. 451.
concessisset, eapropter Pontifex primas
has preces, si Apostolici indulti præ-
sidio destitutæ sint, nullas esse conten-

H 4 dens,

Sæc. XVIII. denuo, Franciscum Arnoldum Monasteriensem Episcopum hoc item anno die
A.C. 1709. vigesima quinta Maij datis literis hortabatur, ut cujusdam Precistæ conatus fortiter obfisteret, qui Decanatum Collegiatæ ad S. Mauritium Monasterii assequi contendebat, eundem vero Præfulem, quod strenue restiterit datis literis die decima septima Aprilis Pontifex de prædicavit. Insuper Pontifex die prima Iugii Capitulum & Canonicos Posnanienses in Polonia graviter increpuit, quod ibidem Lutheranos hospitio exceptissent, eisque Templa ad sectæ sua exercitium aperire permiserint, ut ergo ejusmodi scandalum quantocius submoverent, eos vehementer hortatus est. Appropinquate autem anni sacerdotalis celebritate, ex quo Ordo Monialium Visitationis B. V. institutus fuerat, felicem ejusdem instituti, cuius tum jam centum supra quadraginta septem Monasteria numerabantur, propagationem eisdem gratulatus est Pontifex, easque ad saluberrimas Constitutiones & monita a S. Francisco Salesio Fundatore relicta diligenter custodienda die vigesima tertia Junii hortatus est. Peroptabat etiam Pontifex, ut Cistercienses Romæ in Monasterio S. Thomæ Martyris austriorem Congregationis de la Trappe disciplinam inveharent,

his

his autem renitentibus ad Franciæ Re- Sæc. XVIII.
gem perscripsit, petiitque, ut Jacobus A. C. 1709.
de La Come Abbas de La Trappe cum
sex sui Ordinis Monachis Romam veni-
rent, qui etiam urgentibus Rege, Noa-
lio Cardinale & Cancellario die vigesi-
ma secunda Novembribus iter aggressi,
exortis tamen dissidiis inter Papam &
Cæsarem aliquamdiu subsistere co-
gebantur.

Rursus quoque Pontifex die deci-
ma septima Julii Augustum Poloniæ
Regem summopere urgebat, ut Filium
suum in fide Catholica educari curaret,
eandemque fidem strenuo animo in Re-
gno suo tueretur: idem quoque im-
pense commendabat Principi Egoni de
Fürstenberg Saxonici Electoratus Ad-
ministratori, cui etiam felicem Mis-
sionum Apostolicarum in Saxonia pro-
gressum gratulatus, Missionarios mo-
nuit, ut omnino caveant, ne forte a-
crioribus aliquando verbis laceffant potius,
quam alliciant Auditorum animos, quos
præstat spiritu lenitatis ac mansuetudinis
ad agnitionem veritatis, & ad finum aman-
tissimæ Matris Ecclesiæ deducere. Regi
vero die decima sexta Novembribus im-
pense commendabat Pontifex Budis-
sene Capitulum, quod illius civitatis
Magistratus in detrimentum Cultus Ca-
tholici & disciplinæ Ecclesiasticæ acriter

H 5

vexa-

Sæc. XVIII. vexabat: cum autem eodem tempore
A.C. 1709. Melitenium classis Hydruntum inter-
& Aulon Prætoriam, & alteram præ-
fidiariam Tripolitanorum navem inter-
cepisset, Pontifex die vigesima Julii
Raymundo de Parellos supremo Magistro
hanc victoriam gratulabatur. Equi-
dem Pontifex Lotharium Franciscum
Moguntinum Archiepiscopum, ejusque
Capitulum jam antea sollicitabat, ut
Franciscum Ludovicum ex Comitibus
Palatinis Rheni Ecclesiarum Uratisla-
viensis & Wormatiensis Administrato-
rem supremum Ordinis Teutonici Ma-
gistrum sibi in Coadjutorem eligerent,
ab eodem tamen Archiepiscopo die ter-
tia Novembris admonitus, quod gra-
ves, ac scandalosi tumultus exin fu-
issent orti, ab hoc negotio interim ab-
stinendum esse rescripsit. Eodem anno
nuntiatum erat Pontifici, quod ad Re-
gis nominationem, & ad Abulensis Ca-
pituli electionem ac consensum Fran-
ciscus de Solis Ilerdensis Episcopus tan-
quam Gubernator seu Vicarius vacantis
Ecclesiæ Abulensis curam & regimen
susceperit, proin suam Ecclesiam dese-
ruerit, quin a vinculo, quo eidem te-
nebatur, fuisset absolutus, aut a Papa
absolutionem, translationem, provisio-
nemque petiisset, aut obtinuisset, ea
propter Pontifex die vigesima quarta
Augu-

Augusti ejusmodi electionem, cuncta- Sæc. XVIII.
que hanc in rem gesta damnavit, nul- A. C. 1709.
laque esse declarans Episcopo intermi-
natis poenis Ecclesiasticis inhibuit ne
ullo pacto sese in administrationem
Abulensis Ecclesiae immiseret, sed in-
terim ejusdem Ecclesiae Vicarius Capi-
tularis eam gubernaret. Huic Pon-
tificis mandato Episcopus illico morem
gessit, & quamvis Abulensis Ecclesiae
regimen ei a laica potestate fuisset de-
mandatum, illud tamen nulla mora
dimisit, propterea a summo Pontifice
die septima Martii anno sequenti pater-
nis commendatus literis, denique die
vigesima secunda Małj confirmavit Pon-
tifex erectionem novæ Congregationis
Benedictinæ in Polonia sub invocatio-
ne S. Crucis.

§. XXVII.

Sacrarum Congregationum decreta & decisiones.

Inter varia SS. Congregationum decreta
hoc anno die vigesima sexta Janua- Bullar. magn.
rii Sacra Congregatio negotiis Regu- Clem. XI.
larium præposita statuit, ut deinceps part. 2.
expensæ pro Sacraria &c. ex Monasterii pag. 448.
reditibus fiant, & omnes, ut vocant,
census vitalitii, quos Moniales habent,
ad commune ærarium reponantur, Mo-
naste-